

西漢會要

十七

西漢會要卷第四十三



從事郎前撫州州學教授徐



職官十三

改官名



秦兼天下立百官之職漢因循而不革明簡易隨時
宜也其後稍有所改表

孝景中六年更命廷尉為大理將作少府為將作大
匠主爵中尉為都尉長信詹事為長信少府將行為
大長秋大行為行人奉常為大常典客為大行治粟
內史為大農以大內為二千石置左右內官屬大內

史記本紀

孝武大初元年定官名本紀

三十四

年

初漢興襲秦官置丞相御史大夫大尉至武帝罷大
尉始置大司馬以冠將軍之號非有印綬官屬也及
成帝時何武為九卿建言古者民樸事約國之輔佐
必得賢聖然猶則天三光備三公官各有分職今末
俗文弊政事煩多宰相之材不能及古而丞相獨兼
三公之事所以久廢而不治也宜建三公官定卿大
天之任分職授政以考功效其後上以問師安昌侯
張禹禹以為然時曲陽侯王根為大司馬票騎將軍
而何武為御史大夫於是上賜曲陽侯根大司馬印
綬置官屬票騎將軍官以御史大夫何武為大司

賢者以為州伯書曰咨十有二牧所以廣聰明燭幽
隱也今部刺史居牧伯之位秉一州之統選第大吏
所薦位高至九卿所惡立退任重職大春秋之義用
貴治賤不以卑臨尊刺史位下大夫而臨二千石輕
重不相準失位次之序臣請罷刺史更置州牧以應
古制奏可及博奏復御史大夫官又奏言漢家至德
溥大字內萬里立置郡縣部刺史奉使典州督察郡
國吏民安寧故事居部九歲舉為守相其有異材功
效著者輒登擢秩卑而賞厚咸勸功樂進前丞相方
進奏罷刺史置州牧秩真二千石位次九卿九卿闕
以高第補其中材則苟自守而已恐功效陵夷姦軌
不能紀紀本

省官

漢更負自丞相至佐史凡十三萬二百八十五人表

孝文後六年大旱蝗損郎吏負紀本

孝武損郎負三王世家

孝昭元平元年詔曰者省用罷不急官紀本

戒敕官吏

孝文十二年詔曰五詔書數下歲勸民種植而功未

興是吏奉吾詔不勤而勸民不明也且吾農民甚苦而吏莫之省將何以勸焉紀下

孝景後二年詔曰今歲或不登民食頗寡其咎安在或詐偽爲吏吏以貨賂爲市漁奪百姓侵牟萬民縣丞長吏也姦法與盜盜甚亡謂也其令二千石各脩其職不事官職耗亂者丞相以聞請其罪

孝武元狩六年詔曰夫仁行而從善義立則俗易意奉憲者所且導之未明與將百姓所安殊路而橋度吏因乘執且侵薰麻邪今遣博士大等六人循行天下存問鰥寡孤獨及寃失職姦猾爲害野荒治苛者舉奏

孝宣地節三年朕惟百姓失職不贍吏或營私煩擾不顧厥咎又曰令甲死者不可生刑者不可息此先帝之所重而吏未稱今繫者或以掠辜若飢寒瘦死獄中何用心逆人道也朕甚痛之其令郡國歲上繫囚以掠笞若瘦死者所坐名縣爵里丞相御史課殿最以聞

元康二年正月詔曰今吏脩身奉法未有能稱朕意者朕甚愍焉其赦天下與士大夫厲精更始

五月詔曰獄者萬民之命所以禁暴止邪養育羣生也能使生者不怨死者不恨則可謂文吏矣今則不然用法或持巧心析律貳端深淺不平增辭飾非以

成其罪奏不如實上亦亡繇知此朕之不明吏之不稱四方黎民將何仰哉二千石各察官屬勿用此人吏務平法或擅興繇役飾厨傳稱過使客越職踰法臣取名譽譬猶踐薄冰以待白日豈不殆哉

黃龍元年詔曰上古之治君臣同心舉措曲直各得其所朕數詔公卿務行寬大順民所疾苦今吏或以不禁姦邪爲寬大縱釋有罪爲不苛或以酷惡爲賢皆失其中奉詔宣化如此豈不繆哉方今天下少事繇役減省兵革不動而民多貧盜賊不止其咎安在上計簿具文而已務爲欺謾以避其課三公不以爲意朕將何任諸請詔省卒徒自給者皆止御史察計簿疑非實者按之使真僞無相亂

孝成建始元年詔羣公孜孜帥先百寮輔朕不逮崇寬大長和睦凡事恕己毋行苛刻

孝哀元壽二年詔曰朕獲保宗廟不明不敏夙夜憂勞未皇寧息惟陰陽不調元元不贍未睹厥咎婁敕公卿庶幾有望至今有司執法未得其中或上暴虐假勢獲名溫良寬柔陷於亡滅是故殘賊彌長和睦日衰百姓愁怨靡所錯躬廼正月朔日有蝕之厥咎不遠在余一人公卿大夫其各悉心勉帥百寮崇任仁人黜遠殘賊期於安民陳朕之過失無有所諱

戒貪吏

文帝十三年定律曰吏坐受賕枉法守縣官財物而即盜之已論命復有咎罪者皆棄市刑志

景帝元年詔曰吏受所監臨以飲食免重受財物賤買貴賣論輕廷尉與丞相更議著令廷尉信謹與丞相議曰吏及諸有秩受其官屬所監所治所行所將其與飲食計償費勿論它物若買故賤賣故貴皆坐臧爲盜沒入臧縣官吏遷徙免受其故官屬所將監治送財物奪爵爲士伍免之無爵罰金二斤令沒入所受有能捕告畀其所受臧紀

後二年詔曰吏以貨賂爲市漁奪百姓侵牟萬民縣丞長吏也奸法與盜盜甚無謂也其令二千石各修

其職不事官職耗亂者丞相以聞請其罪紀

三年詔吏發民若取庸采黃金珠玉者坐臧爲盜二千石聽者與同罪紀

策免大臣

宣帝五鳳二年策御史大夫蕭望之曰有司奏君責使者禮遇丞相亡禮廉聲不聞教慢不遜亡以扶政帥先百僚君不深思陷于茲穢朕不忍致君于理使光祿勳惲策詔左遷君爲大子大傅授印其上故印使者便道之官君其秉道明孝正直是與帥意亡讐言靡有後言本傳

成帝河平四年左將軍史丹等奏王商位三公爵列

後親受詔策為天下師不遵法度以翼國家而回辟
下媚以進其私執左道以亂心為臣不忠罔上不道
甫刑之辟皆為上戮罪名明白臣請詔謂者召商詣
若盧詔獄上素重商知正言文險制曰勿治鳳固爭
之於是制詔御史蓋丞相以德輔翼國家典領百寮
協和萬國為職任莫重焉今樂昌侯商為丞相出入
五年未聞忠言嘉謀而有不忠執左道之辜陷于大
辟前商女弟內行不脩奴賊殺人疑商教使為商重
臣故抑而不窮今或言商不以自悔而反怨懟朕甚
傷之惟商與先帝有外親未忍致于理其赦商罪使
者收丞相印綬傳

永始二年冊丞相薛宣曰君為丞相出入六年忠孝
之行率先百僚朕無聞焉朕既不明變異數見歲比
不登倉廩空虛百姓饑饉流離道路疾疫死者以萬
數人至相食盜賊並興羣職曠廢是朕之不德而股
肱不良也廼者廣漢羣盜橫恣殘賊吏民朕惻然傷
之數以問君君對輒不加其實西州鬪絕幾不為郡
三輔賦歛無度酷吏並起為姦侵擾百姓詔君案驗
復無欲得事實之意九卿以下咸承風指同時陷于
謾欺之辜咎繇君焉有司法君領職解慢開謾欺之
路傷薄風化無以帥示四方不忍致君于理其上丞
相高陽侯印綬罷歸傳

永始三年賜左將軍史丹策曰左將軍寢病不衰願
歸治疾朕愍以官職之事義留將軍使躬不瘳使光
祿勳賜將軍黃金五十斤安車駟馬其上將軍印綬
宜專精神務近醫藥以輔不衰軀

綏和二年賜丞相翟方進冊曰皇帝問丞相君有孔
子之慮孟賁之勇朕嘉與君同心一意庶幾有成惟
君登位于今十年灾害並臻民被飢餓加以疾疫溺
死關門牡開失國守備盜賊黨輩吏民殘賊毆殺良
民斷獄歲歲多前上書言事交錯道路懷姦朋黨相
爲隱蔽皆亡忠慮羣下兇兇更相嫉妬其咎安在觀
君之治無欲輔朕富民便安元元之念間者郡國穀
雖頗孰百姓不足者尚衆前去城郭未能盡還夙夜
未嘗忘焉朕惟往時之用與今一也百僚用度各有
數君不量多少一聽羣下言用度不足奏請一切增
賦稅城郭墾及園田過更筭馬牛羊增益鹽鐵變更
無常朕旣不明隨奏許可後議者以爲不便制詔下
君君云賣酒醪後請止未盡口復奏議令賣酒醪以
誠怪君何持容容之計無忠固意將何以輔朕幼道
羣下而欲久蒙顯尊之位豈不難哉傳曰高而不危
所以長守貴也欲退君位尚未忍君其孰念詳計塞
絕姦原憂國如家務使百姓以朝朕朕旣已改君其
自思彊食謹職使尚書令賜君一尊酒十石養牛一

君審處焉

傳本

哀帝建平元年策免大司空師丹曰夫三公者朕之腹心也輔善相過正率百僚和合天下者也朕既不明委政於公間者陰陽不調寒暑失常變異婁秦山崩地震河決泉涌流殺人民百姓流連無所歸心司空之職尤廢焉君在位出入二年未聞忠言嘉謀而反有朋黨相進不公之名乃者以挺力田議改幣章示君君內爲朕建可改不疑以君之言博考朝臣君乃希衆雷同外以爲不便令觀聽者歸非於朕朕隱忍不宣爲君受愆朕疾夫比周之徒虛僞壞化浸以成俗故屢以書飭君幾君省過求已而反不受退有

五世皇帝本紀四十二

九

李十七

後言及君奏封事傳於道路布聞朝市言事者以爲大臣不忠辜陷重辟獲虛采名謗譏匈匈流于四方賤心如此謂疏者何殆謬於二人同心之利焉將何以率示羣下附親遠方朕惟君位尊任重慮不周密懷讓迷國進退違命反覆異言甚爲君耻之非所以共承天地永保國家之意以君嘗託傳位未忍考于理已詔有司赦君勿治其上大司空高樂侯印綬罷

歸本

建平二年策大司馬傅喜曰君輔政出入三年未有昭然正朕不逮而本朝大臣遂其姦心必由君焉其上大司馬印綬就第

傳本

策免丞相孔光曰丞相者朕之股肱所與共承宗廟
統理海內輔朕之不逮以治天下也朕既不明災異
重仍日月無光山崩河決五星失行是章朕之不德
而股肱之不良也君前爲御史大夫輔翼先帝出入
八年卒無忠言嘉謀今相朕出入三年憂國之風復
無聞焉陰陽錯謬歲比不登天下空虛百姓飢饉父
子分散流離道路以十萬數而百官羣職曠廢姦軌
放縱盜賊並起或攻官寺殺長吏數以問君君無怵
惕憂懼之意對母能爲是羣卿大夫咸惰哉莫以爲
意咎由君焉君秉社稷之重總百僚之任上無以正
朕之闕下不能綏安百姓書不云乎母曠庶官天工

西上各車卷七四十三

十一

雜

人其代之於虜君其上丞相博山侯印綬罷歸

本傳

策左將軍彭宣曰有司數奏言諸侯國人不得宿衛
將軍不宜典兵馬處大位朕唯將軍任漢將之重而
子又前取淮陽王女婚姻不絕非國之制使光祿大
夫曼賜將軍黃金五十斤安車駟馬其上左將軍印
綬以關內侯歸家

本傳

策免大司空何武曰君舉錯煩苛不合衆心孝聲不
聞惡名流行無以率示四方其上大司空印綬罷歸

就國

本傳

建平三年詔御史大夫王崇曰朕以君有累世之美
故踰列次在位以來忠誠正國未聞所繇反懷詐讓

之辭欲以攀救舊姻之家大逆之辜舉借事恣不遵法度亡以示百僚左遷爲大司農

王吉傳

哀帝元壽二年冊免大司馬丁明曰前東平王雲貪欲上位祠祭祝詛雲后舅伍宏以鑿待詔與校祕書郎楊閔結謀反逆禍甚迫切賴宗廟神靈董賢等以聞咸伏其辜將軍從弟侍中奉車都尉吳族父左曹屯騎校尉宜皆知宏及栩丹諸侯王后親而宜除用丹爲御屬且與宏交通厚善數稱薦宏宏以附吳得與其惡心因醫枝進幾危社稷朕以恭皇后故不忍有云將軍位尊任重旣不能明威立義折消未萌又不深疾雲宏之惡而懷非君上阿爲宜吳反痛恨雲等揚言爲羣下所寬又親見言伍宏善醫死可惜也賢等獲封極幸嫉妬忠良非毀有功於戲馮哉蓋君親無將將而誅之是以季友鳩叔牙春秋賢之趙盾不討賊謂之弑君朕閱將軍陷于重刑故以書飭將軍遂非不改復與丞相嘉相比今嘉有依得以罔上有司致法將軍請獄治朕唯噬膚之恩未忍其上票騎將軍印綬罷歸就第

哀帝崩王莽使謁者以大后詔即闕下冊董賢曰聞者以來陰陽不調菑害並臻元元蒙辜夫三公鼎足之輔也高安侯賢未更事理爲大司馬不合衆心非所以折衝綏遠也其收大司馬印綬罷歸就第

哀帝崩彭宣上書願上大司空長平侯印綬乞骸骨
歸鄉里竣寘溝壑莽白太后策宣曰惟君視事日寡
功德未効迫于老眊昏亂非所以輔國家綏海內也
使光祿勳豐冊詔君其上大司空印綬便就國彭宣傳
元始中莽以大皇太后詔賜大師大司徒馬宮策曰
大師大司徒扶德侯上書言前以光祿勳議故定陶
共王母謚曰婦人以夫爵尊為號謚宜曰孝元傳皇
后稱渭陵東園臣知妾不得體君卑不得敵尊而希
指雷同詭經辟說以感誤上為臣不忠當伏斧鉞之
誅幸蒙洒心自新又令得保首領伏自惟念入稱四
輔出備三公爵為列侯誠無顏復望闕廷無心復居
官府無宜復食國邑願上大師大司徒扶德侯印綬
避賢者路下君章有司皆以為四輔之職為國維綱
三公之任鼎足承君不有鮮明固守無以居位如君
言至誠可聽惟君之惡在洒心前不敢文過朕甚多
之不奪君之爵邑以著自古皆有死之義其上大師
大司徒印綬使者以侯就第馬宮傳



西漢會要卷第四十四

從事郎前撫州州學教習徐

選舉上

賢良方正

孝文二年詔曰廼十一月晦日有食之二三執政舉

賢良方正能直言極諫者以正朕之不逮李延壽曰漢書

十五年詔諸侯王公卿郡守舉賢良能直言極諫者

上親策之傳納以言

孝武建元元年詔丞相御史列侯中二千石二千石

諸侯相舉賢良方正直言極諫之士

元光元年五月詔賢良曰賢良明於古今王事之體

受策察問咸以書對朕親覽焉於是董仲舒公孫弘

等出焉

五年復召賢良文學公孫弘張傳

孝昭始元元年閏月遣故廷尉持節行郡國舉賢良

五年六月詔令三輔太常舉賢良各二人

孝宣本始四年四月郡國地震詔令三輔太常內郡

國舉賢良方正各一人

地節三年詔令內郡國舉賢良方正可親民者

十月詔曰廼者九月地震朕甚懼焉有能成朕過失

及賢良方正直言極諫之士呂正朕之不逮毋諱有



祥爵四年四月令內郡國舉賢良可親民者各一人
孝元初元二年三日詔曰廼二月戊午地震于隴西
郡丞相御史中二千石舉茂材異等直言極諫之士
永光二年三月日有食之詔令內郡國舉賢良方正
各一人

孝成建始二年二月詔三輔內郡舉賢良方正各一
人建始三年十二月日蝕地震詔丞相御史與將軍
列侯中二千石及內郡國舉賢良方正能直言極諫
之士詣公車朕將覽焉

上盡召直言之士詣白虎殿對策

元延元年七月詔曰廼者日蝕星隕今孛星見東井

三十七
西漢會要卷四十四

二

唐書

公卿大夫博士議郎臣經對與內郡國舉方正能直
言極諫者各一人

師古曰令公卿與內郡國共舉

孝哀元壽元年正月日有蝕之詔公卿大夫其與將
軍列侯中二千石舉賢良方正能直言者各一人

雜錄

武帝初即位轅固復以賢良召固老罷歸之

武帝即位招賢良文學之士是時公孫弘年六十臣
賢良召為博士使匈奴還報不合意上怒以為不能
弘乃移病免歸元光五年復召賢良菑川國復推上
弘弘謝曰前已嘗西用不能罷願更選國人固推弘
弘至大常對策時對者百餘人大常奏弘第居下策

奏天子擢弘對為第一傳本

武帝舉方正賢良文學材力之士待以不次之位陳

朔

建元元年丞相綰奏所舉賢良或治申商韓非蘇秦

張儀之言亂國政請皆罷奏可武帝紀

孝元舉茂材富平侯張勃舉陳湯湯待遷父死不葬

喪司隸奏湯亡循行勃選舉故不臣實坐削戶二百

會慶因賜謚曰繆侯湯下獄論陳湯傳

何武為京兆尹坐舉方正所舉著召見槃辟雅拜武

坐左遷楚內史本傳

博士弟子

西漢書卷四十四

武帝元朔五年為博士官置弟子五十人復其身大

常擇民年十八以上儀狀端正者補博士弟子郡國

縣道邑有好文學敬長上肅政教順鄉里出入不悖

所聞令相長丞上屬所二千石二千石謹察可者常

與計偕詣太常得受業如弟子一歲皆輒課能通一

藝臣上補文學掌故缺其高第可臣為郎中太常籍

奏即有秀才異等輒臣名聞其不事學若下材及不

能通一藝輒罷之而請諸能稱者臣治禮掌故臣文

學禮義為官遷留滯請選擇其秩比二百石臣上及

吏百石通一藝以上補左右內史大行卒史比百石

已下補郡太守卒史皆各二人邊郡一人先用誦多

女足廼擇掌故補中二千石屬文學掌故補郡屬
備貢請著功令它如律令制曰可儒林傳

張湯請博士弟子理尚書春秋補廷尉史

平帝時王莽增元士之子得受業如弟子勿以為貢
歲課甲科四十人為郎中乙科二十人為太子舍人
丙科四十人為文學掌故

兒寬呂郡國選詣博士受業孔安國

文翁選郡縣小吏十餘人遣詣京師受業博士

終軍選為博士弟子至府受遣

蕭望之呂令詣大常受業

唐生褚生應博士弟子選詣博士

六十八八二五

西漢會要四十四

四

吳

成帝時伏湛呂父任為博士弟子

山陽侯張當居坐為大常擇博士弟子故不呂實全
為城口

試學童

漢興蕭何草律曰大史試學童能識書九千字以上
廼得為史又以六體試之課最者以為尚書御史
書令史吏民上書字或不正輒舉劾藝文志

射策

武帝立五經博士開弟子員設科射策勸以官祿儒林傳

傳贊師古曰射策者謂為問難疑義書之於策量其
大小置為甲乙之科列而置之不使常顯有欲射者
隨其所取而釋之以知優劣射之言投射也

何武王嘉馬宮翟方進皆以射策甲科為郎

房鳳以射策乙科為大史掌故

康衡射策甲科以不應令除為大常掌故調補平原

文學本傳

兒寬詣博士受業以射策為掌故以功次補廷尉文

學卒史各本傳

明經

龔遂臣明經為官

袁良舉明經為太子舍人

孔安國貢禹夏後勝張禹並臣明經為博士

眭弘翟方進臣明經為議郎

召信臣臣明經甲科為郎

明法

鄭崇父賓臣明律令為御史

薛宣臣明習文法詔補御史中丞

治劇

何並陳遵皆舉能治劇為令

尹賞舉能治劇徙頻陽令

原涉舉能治劇為谷口令

異科

元封五年名目文武欲盡詔令州郡察吏民有茂材異等可為將相及使絕國者

孝昭始元五年詔舉郡國文學高第各一人
元鳳元年賜郡國所選有行義者涿郡韓福等五人
帛人五十匹遣歸

孝宣本始元年地震詔內郡國舉文學高第各一人
地節三年詔令郡國舉孝弟有行義聞於鄉里者各
一人

元康元年詔博舉吏民厥身修正通文學明於先王
之術宣究其意者各二人中二千石各一人

元康四年詔遣大中大夫循行天下舉茂材異倫之士
孝元初元三年詔丞相御史舉天下明陰陽災異者
各三人

孝元初元

而漢會典卷四

六

八十五

永光元年詔丞相御史舉質樸淳厚謙遜有行者
建昭四年臨遣諫大夫博士循行天下舉茂材特立
之士

孝成河平四年三月日有蝕之遣光祿大夫博士行
舉瀕河之郡舉淳厚有行能直言之士

陽朔二年奉使者不稱詔丞相御史其與中二千石
二千石雜舉可充博士位者使卓然可觀

鴻嘉二年詔舉淳厚有行義能直言者冀聞切言嘉
謀正朕之不逮

永始二年正月日有蝕之臨遣大中大夫循行天下
與部刺史舉淳樸辭遜有行義者各一人

召勝曰竊見國家聘醫巫常為駕聘賢者宜駕上曰
大夫乘私車來邪勝曰唯唯有詔為駕

孝平元始五年詔

見上異科條

西漢會要卷第四十四

西漢會要卷第四十五

從事郎前徐州學教授日徐天麟上進

選舉下

舉廉附孝廉

孝文十二年詔曰孝悌天下之大順也力田為生之本也廉吏民之表也朕甚嘉此二三大夫之行今萬家之縣云亡應令豈實人情是吏舉賢之道未備也其遣謁者勞賜孝者帛人五匹悌者力田二匹廉吏二百石古曰自二百石以上每百石加三匹也孝景後二年詔曰其唯廉士寡欲易足今此言等十以上廼得官廉士等不必衆有市籍不得官此言又不

得官朕甚愍之此言等四得官亡令廉士久失職貪夫

長利

孝武元光元年冬初令郡國舉孝廉各一人並本紀

董仲舒曰臣愚以為使諸列侯郡守二千石各擇其吏民之賢者歲貢各一人故州郡舉茂材孝廉皆自

仲舒發之本傳

元朔元年冬詔曰朕深詔執事興廉舉孝今或至闔郡而不薦一人其與中二千石禮官博士議不舉者罪有司奏議曰不舉孝不奉詔當且不敬論不察廉不勝任也當免奏可本紀

孝宣黃龍元年詔曰舉廉吏誠欲得其真也吏六百

石位大夫有罪先請秩祿上通足臣効其賢材自今
呂來母得舉韋昭曰吏六百石不得復舉為廉止

孝平元始元年令宗室其為吏舉廉佐史補四百石

趙廣漢為平準令察廉為陽翟令

朱博臣大常掾察廉補安陵丞

蕭望之察廉為大行治禮丞

薛宣臣大司農斗食屬察廉補不其丞

光祿勳于永除王嘉為掾察廉為南陵丞復察廉為

長陵尉

張敞補太守卒史察廉為甘泉倉長

黃霸察補河東均輸長復察廉為河南太守丞

二百八十六

百七十五

二

黃

尹賞臣郡吏察廉為樓煩長

王吉臣郡吏舉孝廉為郎

池陽令舉廉吏獄掾王立

京房臣孝廉為郎

師丹孟喜並舉孝廉為郎

劉輔舉孝廉為襄贛令

平當察廉為順陽長

孝弟力田

孝惠四年正月舉民孝弟力田者復其身本紀下同

高后元年二月初置孝弟力田二千石者一人

孝文十二年三月詔臣戶口率置三老孝弟力田常

負令各率其意臣道守民

任子

父任漢儀注吏二千石臣上視事滿三歲得任同產若子一人為郎

蘇武臣父任為郎

劉向臣父任為菴郎

孔光子男放為侍郎

董恭為御史任賢為太子舍人

蕭育臣父任為太子庶子

史丹九男皆臣丹任為侍中

汲黯臣父任為太子洗馬

伏湛臣父任為博士弟子

大分八十四

西漢全史卷四十五

三

肩

史丹馮野王皆臣父任為太子中庶子

杜延年臣三公子補軍司空

辛慶忌臣父任為右校丞

虎賁諸郎皆父死子代

兄任

霍去病任光為郎

揚惲臣忠任為郎

爰盎兄噲任盎為郎中

族父任

成帝時候霸臣族父任為太子舍人

宗家任

趙兼淮南王舅子由官宗家任為郎
致仕

元始二年遣龔龔勝邴灌策曰其上子若孫若同產
同產子一人所上子男皆除為郎

董仲舒曰夫長吏多出於郎中中郎吏二千石子弟
未必賢也

宣帝時王吉上疏曰舜禹不用三公九卿之世而舉
臯陶伊尹不仁者遠今使俗吏得任子弟率多驕驁
不通古今至於積功治人亡益於民此伐檀所為作
也宜明選求賢除任子之令王吉傳

哀帝初即位除任子令本紀

賞

張釋之以賞為騎郎本傳附漢注賞五萬石得為常侍郎

孝景後二年詔曰今此豈非十呂上廼得官廉士豈不
必衆有而籍不得官亡豈又不得官朕甚愍之豈豈

四得官本紀

司馬相如曰此豈為郎本傳

董仲舒曰選郎吏又曰富豈本必賢也本傳

鬻官

武帝即位干戈日滋財賂衰耗而不贍入物者補官
選舉陵遲廉耻相冒興利之日自此始也其後府庫
益虛廼募民能入奴婢得官終身復為郎增秩及入

羊為郎始於此其後四年元初五年置賞官命曰武功爵

大者封侯卿大夫小者郎吏道雜而多端則官職耗

廢元符四年除故鹽鐵官家富者為吏吏道益雜不選而

多賈人矣元鼎二年始令吏得入穀補官郎至六百石古師

曰交更選高官郎又所忠言元鼎三年世家子弟富人或

鬪雞走狗馬弋獵博戲亂齊民廼召諸犯令相引數

千人命曰株送徒入財者得補郎郎選衰矣弘羊又

請令吏得入粟補官平準書

黃霸臣待詔入錢賞官補侍郎謁者坐罪免後復入

穀沈黎郡補左馮翊二百石卒也馮翊臣霸入財為

官不補右職

五十二

五十五

一五

方伎

衛綰臣戲車為郎事文帝

鄧通臣濯船為黃頭郎

周仁臣鑿見景帝為太子時為舍人

吾丘壽王年少臣善格五召待詔

荀彘臣御見侍中

武帝時盧初臣方士侍祠

東郭先生臣方士待詔公車

武帝即位博開藝能之路悉延百端之學通一伎之

士咸得自効絕倫超奇者為右云所阿私龜策傳

丞相魏相奏言知音善鼓雅琴者趙定龍其德比日召見

待詔

伍宏臣鑿待詔

成帝時言祭祀方術者皆得待詔郊祀志

本草待詔郊祀志師古曰臣方藥本草而待詔

郡吏

趙禹臣佐史補中都官用廉為令史

咸宜臣佐史給事河東守

魏相為郡卒史舉賢良

王吉臣郡吏舉孝廉為郎

尹齊臣刀筆吏稍遷至御史

朱邑少時為舒桐鄉嗇夫遷補大守卒史

鮑宣為縣鄉嗇夫補東州丞

張敞臣鄉有秩補大守卒史察廉為甘泉舍長

尹賞臣郡吏察廉為樓煩長

焦延壽為郡吏察舉補小黃令

趙廣漢為郡吏州從事舉茂材

陳萬年為郡吏察舉至縣令

龔勝為郡吏楚王聘為常侍

王訢臣郡縣吏積功稍遷被陽令

丙吉為魯獄史積功勞稍遷廷尉右監

王尊為獄小吏給事大守府補書佐

尹翁歸為獄小吏除補卒史

于定國為郡決曹補廷尉

上書

武帝初即位詔天下舉方正賢良文學材力之士待
臣不次之位四方士多上書言得失自衛鬻者皆早
數其不足采者輒報聞罷東方朔傳

東方朔初入長安至公車上書凡用三千奏牘公車
令兩人共持舉其書僅然能勝之人主從上方讀之
止輒乙其處讀之二月廼盡詔拜臣為郎史記朔上書
曰可臣為天子大日文辭不遜高自稱譽上偉之令

待詔公車漢書

朱買臣隨上計吏詣闕上書書久不報待詔公車

西漢書要卷四十五

七

七

主父偃元光元年上書闕下朝奏暮召入見是時徐
樂嚴安亦俱上書言世務書奏上召見二人謂曰公
皆安在何相見之晚也廼拜偃樂安皆為郎中

終軍至長安上書言事武帝異其文拜為謁者給事中
枚臯上書北闕自陳枚乘之子得之大喜召入見
待詔

宣帝初即位思進賢良多上書言便宜輒下蕭望之
問狀高者請丞相御史次者中二千石試事滿歲臣
狀聞下者報聞或罷歸田里望之傳

元帝初即位賈捐之上疏言得失召待詔金馬門
哀帝初即位息夫躬上書召待詔

從軍

周勃材官引彊

師古曰彊其兩反服度曰引彊弓弩官也

申屠嘉以材官蹶張遷為隊率

師古曰弩以足蹶者曰蹶張

漢興六郡良家子選給羽林期門

師古曰六郡謂隴西天水安定北地

上郡西河也

呂材力為官名將多出焉

地理志

公孫賀北地人少為騎士從軍

李廣隴西人呂良家子從軍

趙充國隴西人呂六郡良家子善騎射補羽林

傅介子北地人呂從軍為官

甘延壽北地人呂良家子善騎射為羽林

馮奉世上黨人呂良家子選為郎

二五四小六十六

西漢會要四十五

八

勇

張次公呂勇悍從軍

義縱傳

常惠應募隨蘇武使匈奴

鄭吉呂卒伍從軍

傅介子斬樓蘭王士刺王者皆補侍郎

軍功多用超等大者封侯卿大夫小者郎食貨志

選舉雜錄

孝惠高后時市井子孫不得仕官為吏平準書

有市籍不得官無貨又不得官景紀詔

入財為官不補右職黃霸

宗室不宜典三河劉向

王國人不得宿衛龔勝 彭宣

王舅不宜備九卿

馮野王

馮立

馮遂

弟犯法不得宿衛

蕭望之

賈人不得為吏

哀帝詔

執金吾韓立御史大夫張譚並坐選舉不實免

丞相張蒼任人為中候大為姦利上以為責

張勃舉陳湯司隸奏湯亡循行勃選舉故不以實劓

戶二百

何武所舉方正槃辟雅拜坐左遷楚內史

山陽侯張當居坐為太常擇博士弟子故不臣實全

為城旦

表

元始二年大理復坐除吏不次免

大正前

九十三

西漢書卷四十五

九

原

河平四年宗正劉順坐使合陽侯舉子免

建平二年中成侯王勳坐選舉不臣實罵廷史大不

敬免

元延元年詔舉方正直言之士紅陽侯立舉陳咸對

策拜為光祿大夫給事中丞相方進奏咸不當蒙方

正并劾立選舉故不臣實有詔免咸勿劾立

嚴延年察獄史廉有臧不入身延年選舉不實貶秩

司隸奏杜業為太常選舉不實業坐免官

平帝初即位詔曰選舉者其歷職更事有名之士則

以為難保廢而弗舉其甚謬於赦小過舉賢材之義諸

有臧及內惡未發而薦舉者皆勿案驗令士厲精鄉

進示

小疵妨大才

西漢會要卷第四十五

